

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), na prijedlog Ministarstva zdravstva Zeničko-dobojskog kantona, Vlada Zeničko-dobojskog kantona, na 129. sjednici, održanoj dana 18.01.2018. godine, d o n o s i

ZAKLJUČAK

I.

Prihvata se Mišljenje Ministarstva zdravstva, po Inicijativi poslanice Selvedine Sarajlić-Spahić, u vezi izmjene Odluke o utvrđivanju mreže objekata porodične medicine („Službene novine Zeničko-dobojskog kantona“, broj: 10/2) i čini sastavni dio ovog Zaključka.

II.

Zaključak sa mišljenjem Ministarstva zdravstva broj: 11-37-17680-2/17 od 10.01.2018. godine, upućuje se u skupštinsku proceduru.

III.

Zaključak stupa na snagu danom donošenja.

Broj: 02-_____/18
Datum, 18.01.2018. godine
Z e n i c a

PREMIJER

Miralem Galijašević

DOSTAVLJENO:

1x Ministarstvo zdravstva,
1x Stručna služba Skupštine Kantona,
1x a/a.



Broj: 11-37-17680-2/17
Dana, 10.01.2018. godine

U skladu sa aktom Vlade Zeničko-dobojskog kantona broj: 02-1-02-17680-1/17 od 05.01.2018. godine, kojim je ovom Ministarstvu upućena inicijativa poslanice Selvedine Sarajlić-Spahić, vezana za izmjenu Odluke o utvrđivanju mreže objekata porodične medicine („Sl. novine Zeničko-dobojskog kantona“, broj: 10/02), Ministarstvo zdravstva daje sljedeće:

MIŠLJENJE

Inicijativom poslanice Selvedine Sarajlić-Spahić, koju je podnijela na 51. sjednici Skupštine Zeničko-dobojskog kantona, održanoj 18.12.2017. godine, zatražena je izmjena Odluke o utvrđivanju mreže objekata porodične medicine („Sl. novine Zeničko-dobojskog kantona“, broj: 10/02). U obrazloženju Inicijative je navedeno da mreža porodične medicine utvrđuje raspored i lokaciju objekata porodične medicine na području Zeničko-dobojskog kantona, a u cilju osiguranja jednakih uvjeta za korištenje ovog dijela primarne zdravstvene zaštite za sve građane koji pripadaju tom području i broju stanovnika koji će se liječiti u određenoj ambulanti porodične medicine. Dalje navodi da se uvidom u Mrežu porodične medicine za Grad Zenica, a imajući u vidu zahtjeve građana dolazi do zaključka da Mreža ima dosta nepravilnosti i da je zastarjela, te da bi istu trebalo promijeniti, a pretpostavlja da je identično stanje i na području drugih općina Kantona. Shodno tome ističe da je neophodno revidirati listu planiranih objekata u skladu sa brojem stanovnika po novom popisu i razmotriti zahtjeve građana za ambulantama porodične medicine (npr. Lukovo polje itd.). Dalje navodi da i kriteriji na osnovu kojih je 2002. godine donesena Odluka o utvrđivanju mreže objekata porodične medicine, a koji su bili definisani članom 38. Zakona o zdravstvenoj zaštiti („Sl. novine FBiH“, broj: 29/97) i Odluci o utvrđivanju privremenih standarda i normativa zdravstvene zaštite iz obavenog zdravstvenog osiguranja („Sl. novine FBiH“, broj: 21/00) su izmjenjeni, te je iz tih razloga neophodno navedenu Odluku revidirati. Predlaže da Ministarstvo zdravstva imenuje stručnu komisiju koja će izraditi novu Mrežu objekata porodične medicine na području Kantona i da se ista u što kraćem roku dostavi na usvajanje Skupštini Zeničko-dobojskog kantona.

Ministarstvo zdravstva smatra da su razlozi izneseni u Inicijativi opravdani, da je Odluka o utvrđivanju mreže objekata porodične medicine zastarjela i kao takva neusklađena sa novim zakonskim propisima i potrebama građana za pružanje primarne zdravstvene zaštite, te da je neophodno pristupiti donošenju nove Odluke, vodeći računa o broju stanovnika na određenom području, potrebama građana za pružanjem primarne zdravstvene zaštite, propisima koji uređuju ovu oblast i drugim kriterijima koji su od uticaja za donošenje nove Odluke.

Kako je navedena Inicijativa opravdana Ministarstvo zdravstva će u što kraćem roku formirati stručnu komisiju, koja će imati zadatak sa sačini novu Odluku, vodeći računa o svim bitnim kriterijima koji su od uticaja za sačinjavanje iste.

**Imajući u vidu navedeno Ministarstvo zdravstva predlaže Vladi Kantona da ovo
Mišljenje usvoji i uputi u dalju skupštinsku proceduru.**

S poštovanjem!

Dostaviti:
1x Naslovu,
1x Stručna služba Skupštine Kantona,
1x a/a

MINISTAR
dr Dragoljub Brenjo